

Polelo ya Baphatlalatši ba Ditaba

TONA YA DITŠHELETE LE KHOMIŠINARE WA SARS BA ETETŠE ALBERTON GO LEKOLA MAEMO A BOITOKIŠETŠO BJA SETLHA SA GO FAELA SA 2025

Tshwane, 7 Julae 2025 — Mrs. Enoch Godongwana, Tona ya Ditšhelete, le Mrs. Edward Kieswetter, Khomišinare wa SARS, lehono ba etetše SARS ka *Alberton Taxpayer Service Centre* go lekola maemo a yona a boitokišetšo bjale ka ge Dikelo tša Othomethiki di thomile, go tloga ka la 1 go ya go la 20 Julae 2025.

Tona Godongwana le Khomišinare Kieswetter ba ikamantše le balefela motšhelo, bao bontši bja bona ba bego ba etetše diofisi go mpshafatša le go tiišetša dintlha tša bona tšeo di ngwadišitšwego, go akaretša go fetoša di imeile, tshedimošo ya go panka, le dinomoro tša selefounu. Ba bangwe ba balefela motšhelo ba etetše lekala go rarolla mathata a go nyalelana le dikoloto le dipušetšo tša bona tšeo di šaletšego morago.

SARS e thomile go romela **Dikelo tša Othomethiki** go balefela motšhelo bao merero ya bona ya motšhelo e raraganego gannyane. Ge eba balefela motšhelo ba dumelelana le Dikelo tša bona tša Othomethiki ya bona, ga go hlokege go dira selo go tšwa go bona. Go amogela go itiragalela ka othomethiki, gomme balefela motšhelo ga ba hloke go amogela Kelo ya Othomethiki ka go ya lekaleng. Balefela motšhelo ba eletšwa go letela tsebišo ya SMS/imaile pele ba tsena go eFiling goba go SARS MobiApp.

Dipušetšo tša tšhelete tša palo ya go feta R100 tšeo di swanetšego go lefelwa go balefela motšhelo e tlo lefelwa ka mokgwa wa othomethiki ka gare ga diakhaonte tša bona tša panka mo diiring tše 72 morago ga ge tekolo e feditšwe.

Setlha sa go Faela sa 2025 se buletšwe bakeng **sa balefela motšhelo bao e sego ba sebakanyana le ba bangwe bao e lego ba sebakanyana bao ba bego ba sa lekolwa ka mokgwa wa othomethiki**. Sebaka sa go faela sa balefela motšhelo bao e sego ba sebakanyana ke go tloga ka la 21 Julae go fihla go la 20 Okotobore 2025. Sebaka sa go faela sa balefela motšhelo ba sebakanyana se tswalela ka la 19 Janaware 2026.

Matšatšikgwedi ao a latelago a swanetše go bolokwa go pukutšatši bakeng sa Setlha sa go Faela sa lenyaga:

- **Thomelo ya ditsebišo tša *Auto Assessment*: 7–20 Julae 2025**
- **Balefela motšhelo ka noši (bao e sego ba sebakanyana): 21 Julae 2024 – 20 Okotobore 2025**
- **Balefela motšhelo ba sebakanyana: 21 Julae 2025 – 19 Janaware 2026**

Balefela motšhelo ba ipiletšwa go hlokomela le go boloka dintlha tša bona tša sephiri. Ge Setlha sa go Faela se dutše se kgatlampana, go tlo ba le maitikelo go tšwa go dinokwane tša go foraforetša balefela motšhelo. Dinokwane di ka itšweletša bjale ka baofisiri ba SARS ka go utswa dintlha tša tša balefela motšhelo tša mong, di ka dira gore ba kgotle dikgokaganyo, goba go lefela tšhelete ka gareo ga akhaonte ya bona. SARS e ka se tsogile e kgopetše balefela motšhelo go diriša kgokaganyo efe goba efe. Balefela motšhelo ba swanetše go šireletša dintlha tša bona tša go tsena go eFiling gomme ba diriše fela ditsebi tša motšhelo tšeo di ngwadišitšwego.

Tshedimošo ya moragorago ya bonokwane e ka hwetšwa go wepsaete ya SARS ya: www.sars.gov.za. Go bega goba go kgopela tshedimošo ya mabapi le boforetši, balefela motšhelo ba ka romela imeile go phishing@sars.gov.za.

Go efoga dikotlo, balefela motšhelo ba swanetše go romela tshedimošo yeo e nepilego ka pela. Bakeng sa Setlha sa go Faela sa go sepela ka thelelo gape se bonolo, balefela motšhelo ba kgopelwa go diriša dikanale tše di latelago tša tsebišano le SARS.

- **Wepsaete ya SARS:** etela www.sars.gov.za gomme o kgotle konope ya “Individuals”.
- **SARS Online Query System (SOQS):** <https://tools.sars.gov.za/soqs>.
- **WhatsApp ya SARS:** romela “Hi” goba “Hello” go 0800 117 277.
- **Thušo ya bohlale bja Ekišo (AI):** e hwetšagala 24/7 go wepsaete ya SARS go araba dipotšišo.
- **Letšetša *134*7277#:** go fihlelela ditirelo tša SARS.
- **SARS YouTube:** etela @sarstax bakeng sa tirišo ya divideo.

Ga go hlokege go etela lekala la SARS. Ge eba o a tlamega, dira peakanyo ya kopano pele ga nako go efoga methaladi e metelele.

Tona Godongwana o tšweleditše maikutlo a gagwe a go kgotsofala a maemo a boitokišo bja SARS bja go direla ka katlego gape gabonolo ka Setlha sa go Faela sa balefela motšhelo. Khomišinare Kieswetter o hlohleleditše balefela motšhelo go diriša dikanale tša SARS tša ditšithale go amana le setheo. O boletše gore “balefela motšhelo ga ba hloke o tšwela ntle diphefong tše le go ema methalading. Ba ka dira merero ya bona ya motšhelo ka magaeng a bona go na le go lefela tšhelete ya tekisi”.

Go hwetša tshedimošo enngwe, ikgokaganye le SarsMedia@sars.gov.za

**07 JULAE 2025: TONA YA DITŠHELETE LE KHOMIŠINARE WA SARS BA ETETŠE
ALBERTON GO LEKOLA MAAMO A BOITOKIŠETŠO BJA SETLHA SA GO FAELA SA 2025**



Seswantšho: 1 Kamano le Molaodi wa Senthara ya Ditirelo tša SARS ka Alberton - Jenny Kotze, Khomišinare wa SARS Kieswetter & Tona ya Ditšhelete Godongwana













